



Komisija za izbor policijskih službenika u čin mlađi inspektor i čin policajac

Broj: 05-04/01-1-30-47/23

Dana: 13.06.2023. godine.

Na osnovu člana 26. stav 3. tačka g) Zakona o unutrašnjim poslovima (Službeni glasnik Unsko - sanskog kantona broj 13/16 i 16/17), člana 49. Zakona o policijskim službenicima Unsko-sanskog kantona („Službeni glasnik Unsko-sanskog kantona“ broj: 14/06, 5/08, 3/14 i 31/18), Pravilnika o sadržaju, načinu i rasporedu testiranja i sistemu bodovanja kandidata u procesu odabira policijskih službenika u Upravi policije MUP USK-a („Službeni glasnik USK“ broj: 29/21, 29/22, 33/22 i 10/23), Odluke Uprave policije o popuni upražnjenih radnih mjesta u čin „mlađi inspektor“ i čin „policajac“ u Upravi policije MUP USK-a broj: 05-04/04-2-30-47/23 od dana 30.05.2023. godine i Rješenja o formiranju Komisije za izbor policijskih službenika u čin „mlađi inspektor“ i čin „policajac“ broj: 05-04/04-02-30-47/23 od dana 30.05.2023. godine (u daljem tekstu) Komisija za izbor r a s p i s u j e:

JAVNI KONKURS

za popunu upražnjenih radnih mjesta policijskih službenika
za početni čin „MLAĐI INSPEKTOR“ i početni čin „POLICAJAC“
u Upravi policije Ministarstva unutrašnjih poslova Unsko-sanskog kantona

UKUPAN BROJ IZVRŠILACA: 80

Pokreće se procedura za popunu 80 upražnjenih radnih mjesta u Upravi policije Ministarstva unutrašnjih poslova Unsko-sanskog kantona i to za:

- A) čin „mlađi inspektor“ 10 izvršilaca,
- B) čin „policajac“ 70 izvršilaca.

Broj upražnjenih radnih mjesta popunjavat će se u organizacionim jedinicama i to kako slijedi:

A) ČIN MLAĐI INSPEKTOR

I/01 SEKTOR KRIMINALISTIČKE POLICIJE

Odsjek za sprečavanje privrednog, kompjuterskog kriminala i korupcije

Radno mjesto: Samostalni istražitelj za sprečavanje privrednog, kompjuterskog kriminala i korupcije
..... 1 izvršilac;

II/01 DRUGA POLICIJSKA UPRAVA

Odsjek kriminalističke policije Policijske stanice Cazin

Radno mjesto: Samostalni istražitelj za suzbijanje i otkrivanje kriminaliteta 1 izvršilac;

III/01 TREĆA POLICIJSKA UPRAVA

Policijska stanica Sanski Most

Radno mjesto: Policijski službenik za obradu prekršajnih naloga i zahtjeva za pokretanje prekršajnog postupka 1 izvršilac;

III/02 TREĆA POLICIJSKA UPRAVA

Odsjek kriminalističke policije Policijske stanice Sanski Most

Radno mjesto: Samostalni istražitelj za suzbijanje i otkrivanje kriminaliteta 2 izvršioca;

III/03 TREĆA POLICIJSKA UPRAVA

Odsjek kriminalističke policije Policijske stanice Ključ

Radno mjesto: Samostalni istražitelj za suzbijanje i otkrivanje kriminaliteta 2 izvršioca;

IV/01 ČETVRTA POLICIJSKA UPRAVA

Odsjek kriminalističke policije Policijske stanice Velika Kladuša

Radno mjesto: Samostalni istražitelj za suzbijanje i otkrivanje kriminaliteta 2 izvršioca;

V/01 PETA POLICIJSKA UPRAVA

Odsjek kriminalističke policije Policijske stanice Bosanska Krupa

Radno mjesto: Samostalni istražitelj za suzbijanje i otkrivanje kriminaliteta 1 izvršilac;

B) ČIN POLICAJAC

I/01 PRVA POLICIJSKA UPRAVA

Policijska stanica Bihać

Radno mjesto: policajac 14 izvršilaca;

I/02 PRVA POLICIJSKA UPRAVA

Policijska stanica Bosanski Petrovac

Radno mjesto: policajac 4 izvršioca;

II/01 DRUGA POLICIJSKA UPRAVA

Policijska stanica Cazin

Radno mjesto: policajac 21 izvršilac;

III/01 TREĆA POLICIJSKA UPRAVA

Policijska stanica Sanski Most

Radno mjesto: policajac..... 12 izvršilaca;

IV/01 ČETVRTA POLICIJSKA UPRAVA

Policijska stanica Velika Kladuša

Radno mjesto: policajac 9 izvršilaca;

V/01 PETA POLICIJSKA UPRAVA

Policijska stanica Bosanska Krupa

Radno mjesto: policajac 10 izvršilaca.

UVJETI ZA PRIJAVU NA KONKURS:

- A) Kandidati za početni čin „**mlađi inspektor**“ moraju ispunjavati opće uvjete propisane članom 46. Zakona o policijskim službenicima Unsko-sanskog kantona („Službeni glasnik Unsko-sanskog kantona“, broj 14/06, 5/08,3/14 i 31/18), i to:
- a) da su državljani Bosne i Hercegovine,
 - b) životne dobi između 18 i 35 godina (uključujući 35. godinu života),
 - c) najmanje završen prvi ciklus visokog obrazovanja 180 ili 240 ECTS bodova ili VI stepen školske spreme,
 - d) da imaju ljekarsko uvjerenje ne starije od 3 mjeseca kao dokaz o fizičkoj i psihičkoj sposobnosti za rad,
 - e) da nisu otpušteni iz institucija državne uprave ili iz vojne službe u Bosni i Hercegovini kao rezultat disciplinske sankcije,
 - f) da protiv nje/njega nije pokrenut krivični postupak ili/i da nije izrečena pravomoćna kazna zatvora za krivično djelo, osim za krivična djela protiv sigurnosti prometa u skladu sa krivičnim zakonodavstvom,
 - g) da nije optužen/a od Međunarodnog krivičnog tribunala za bivšu Jugoslaviju i da se nije odbio/la pojaviti pred Tribunalom.
- B) Kandidati za početni čin „**policajac**“ moraju ispunjavati opće uvjete propisane članom 46. Zakona o policijskim službenicima Unsko-sanskog kantona („Službeni glasnik Unsko-sanskog kantona“, broj 14/06, 5/08,3/14 i 31/18), i to:
- a) da su državljani Bosne i Hercegovine,
 - b) životne dobi između 18 i 27 godina (uključujući 27. godinu života),
 - c) najmanje završen IV stepen školske spreme,
 - d) da imaju ljekarsko uvjerenje ne starije od 3 mjeseca kao dokaz o fizičkoj i psihičkoj sposobnosti za rad,
 - e) da nisu otpušteni iz institucija državne uprave ili iz vojne službe u Bosni i Hercegovini kao rezultat disciplinske sankcije,
 - f) da protiv nje/njega nije pokrenut krivični postupak ili/i da nije izrečena pravomoćna kazna zatvora za krivično djelo, osim za krivična djela protiv sigurnosti prometa u skladu sa krivičnim zakonodavstvom,
 - g) da nije optužen/a od Međunarodnog krivičnog tribunala za bivšu Jugoslaviju i da se nije odbio/la pojaviti pred Tribunalom.

Pored općih uvjeta, koji se odnose na prijem u radni odnos policijskih službenika kandidati za prijem pod tačkom A) i tačkom B) moraju ispunjavati i sljedeće posebne uvjete na osnovu člana 47. Zakona o policijskim službenicima Unsko-sanskog kantona, Pravilnika o unutrašnjoj organizaciji MUP USK-a i Pravilnika o sadržaju, načinu i rasporedu testiranja i sistemu bodovanja kandidata u procesu odabira policijskih službenika u Upravi policije MUP USK-a i to:

1. da imaju položen vozački ispit “B” kategorije,
2. da polože test općeg znanja i pisani rad,
3. da ispune test fizičke sposobnosti,
4. da ispunjavaju uvjet zdravstvene sposobnosti,
5. da ispunjavaju uvjet psihološke sposobnosti,
6. da polože i drugi test koji policijski organ smatra potrebnim ili opravdanim i
7. da ima dozvoljen pristup tajnim podacima stepena „POVJERLJIVO”.

Prije donošenje odluke o izboru kandidata za popunu upražnjenih radnih mjesta, predloženi kandidati bit će predmet sigurnosne provjere shodno utvrđenom stepenu tajnosti za radno mjesto u skladu sa postupkom za izdavanje dozvole za pristup tajnim podacima, a u skladu sa odredbama Zakona o zaštiti tajnih podataka ("Službeni glasnik BiH", broj: 54/04 i 12/09), kao i odredbama podzakonskih propisa donesenih na osnovu odredaba navedenog Zakona. U slučaju da predloženi kandidat ne prođe sigurnosne provjere, bit će predložen sljedeći kandidat sa liste koji taj uvjet ispunjava.

Kandidati koji blagovremeno dostave potpune prijave i dokažu da ispunjavaju opće i posebne uvjete imaju pravo pristupa testiranju, u skladu sa članom 51. Zakona o policijskim službenicima USK i članom 12. i 15. Pravilnika o sadržaju, načinu i rasporedu testiranja i sistemu bodovanja kandidata u procesu odabira policijskih službenika, koje uključuje sljedeće:

- a) test općeg znanja i pisani rad,
- b) test fizičke sposobnosti (test motoričkih sposobnosti),
- c) drugi test koji policijski organ smatra potrebnim ili opravdanim
- d) ljekarski pregled,

Uz vlastoručno potpisanu prijavu (obrazac) na javni konkurs kandidati su dužni dostaviti sljedeću dokumentaciju (**original ili ovjerene kopije**):

1. uvjerenje o državljanstvu Bosne i Hercegovine ne starije od 6 mjeseci,
2. izvod iz matične knjige rođenih,
3. diplomu o završenom prvom ciklusu visokog obrazovanja 180 ili 240 ECTS bodova ili diplomu VI stepena školske spreme (**za početni čin mlađi inspektor**) ili diplomu o završenoj školskoj spremi IV stepena (**za početni čin policajac**),
4. potvrda ili uvjerenje poslodavca - državnog organa ili institucije da kandidat nije otpušten iz organa državne službe kao rezultat disciplinske mjere na bilo kojem nivou vlasti u Bosni i Hercegovini ili iz vojne službe, (*za kandidate koji su bili ili su još uvijek zaposleni u državnim organima i institucijama ili vojsci*), odnosno ovjerena izjava kandidata da nije otpušten iz organa državne službe kao rezultat disciplinske mjere na bilo kojem nivou vlasti u Bosni i Hercegovini ili iz vojne službe, (*za kandidate koji nisu niti su bili uposlenici državnih organa i institucija ili vojske*).
5. Izjava kandidata ovjerena od strane nadležnog organa da kandidat nije obuhvaćen odredbom člana IX stav 1. Ustava Bosne i Hercegovine (*da nije optužen/a od Međunarodnog krivičnog tribunala za bivšu Jugoslaviju i da se nije odbio/la pojaviti pred Tribunalom*),
6. Uvjerenje o nevođenju krivičnog postupka izdato od nadležnog suda ne starije od 3 mjeseca,
7. Ovjerena fotokopija vozačke dozvole,
8. Potpisana izjava - suglasnost za korištenje ličnih podataka u procesu odabira kandidata po Javnom konkursu, (nije potrebno ovjeravati).

NAPOMENA:

Komisija će za opći uvjet koji se odnosi na činjenicu krivičnog kažnjavanja iz člana 46. stav 1. tačka f. Zakona o policijskim službenicima Unsko-sanskog kantona, naknadno pribaviti podatke po službenoj dužnosti iz službene evidencije nadležnih Policijskih stanica i to za kandidate koji su uspješno završili testiranje, zadovoljili na ljekarskom pregledu i za koje je izgledno da će biti upućeni za pohađanje osnovne obuke za kadete.

Kandidati nisu obavezni uz prijavu dostaviti ljekarsko uvjerenje, jer će se provjera zdravstvene sposobnosti (ljekarski pregled) za kandidate koji uspješno prođu proces testiranja izvršiti u zdravstvenoj ustanovi na području Federacije Bosne i Hercegovine sa kojom Uprava policije MUP USK-a potpiše ugovor za vršenje ljekarskog pregleda.

Samo kandidati koji ispunjavaju opće i posebne uvjete iz ovog oglasa i koji su priložili svu potrebnu dokumentaciju i u prijavnom obrascu naveli sve tražene podatke imaju pravo pristupa testiranju koji u procesu odabira policijskih službenika uključuju sljedeće:

- a) test općeg znanja i pisani rad, (poznavanje propisa koji se primjenjuju na radnom mjestu za koje se kandidat prijavio),
- b) test fizičke sposobnosti (test motoričkih sposobnosti),
- c) drugi test koji policijski organ smatra potrebnim ili opravdanim,
- d) ljekarski pregled,

Kandidati koji ne ostvare eliminatorni prag bodova na jednom od testova iz tačke "a ili b" ili se utvrdi da ne zadovoljavaju kriterije na testovima pod c) ili d), isključuju se iz daljeg procesa odabira.

Test općeg znanja sadrži 35 ispitnih pitanja sa liste od 300 pitanja i 1 temu za pisani rad od 5 tema, objavljenih na web stranici MUP USK „mupusk.gov.ba” i „vladausk.ba”. Test općeg znanja i lista pitanja sačinjava se iz sljedećih oblasti: ustavno pravo-ustavno uređenje Bosne i Hercegovine, Federacije Bosne i Hercegovine i Unsko-sanskog kantona, upravno pravo i organizacija uprave u F BiH, Zakon o unutrašnjim poslovima USK, Zakon o policijskim službenicima USK, kancelarijsko poslovanje, radno pravo, krivično pravo (materijalno i procesno pravo) prekršajno pravo, propisi iz oblasti sigurnosti saobraćaja na putevima, javnog reda i mira, javnog okupljanja, nabavljanja, držanja i nošenja oružja i municije na području Unsko-sanskog kantona, propisi o ličnoj karti, ličnom imenu, prebivalištu i boravištu građana.

Teme za pisani rad odnose se na praktičnu situaciju u vezi sa ulogom policije u društvu, oblast javnog reda i mira, sigurnost saobraćaja na putevima u Bosni i Hercegovini i druge oblasti iz nadležnosti uprave policije.

Komisija za izbor će primijeniti kriterije te izvršiti i dodatno bodovanje kod zapošljavanja branilaca i članova njihovih porodica, a u skladu sa odredbama Zakona o dopunskim pravima branilaca i članova njihovih porodica („Službeni glasnik USK“, broj: 31/20), i odredbama Pravilnika o sadržaju, načinu i rasporedu testiranja i sistemu bodovanja kandidata u procesu odabira policijskih službenika u Upravi policije MUP USK-a („Službeni glasnik USK“, broj: 29/21, 29/22, 33/22 i 10/23), za one kandidate koji prilože dokaze o ispunjavanju traženih uslova, kao i potvrdu nadležnog organa o priznatom statusu branioca, odnosno člana uže porodice.

Pored navedene dokumentacije kojim kandidat dokazuje da se na njega odnosi odredba člana 22. Zakona o dopunskim pravima branilaca i članova njihovih porodica u obavezi je dostaviti:

- Uvjerenje izdato od strane službe za zapošljavanje kojim dokazuje da je nezaposleno lice,
- Ovjerena izjava da pravo iz člana 22. Zakona o dopunskim pravima branilaca i članova njihovih porodica ostvaruje prvi put,
- Ovjerena izjava da nije lice koji je radni odnos zasnovalo na osnovu ranije ostvarene prednosti pri zapošljavanju,
- Ovjerena izjava da nije lice kome je radni odnos prestao njegovom krivicom, niti da je lice koje je prekinulo ugovor o radu,
- Ovjerena izjava da nije lice koje je ostvarilo pravo na otpremninu.

Prijavni obrazac će biti dostupan kandidatima u sjedištu MUP USK, Ulica 502. Viteške brigade br. 2 Bihać, kao i na web stranici MUP USK „mupusk.gov.ba”.

U slučaju da u dostavljenim podacima, postoje određene nejasnoće koje dovode Komisiju u dilemu oko ispunjavanja nekih propisanih općih i posebnih uvjeta ovoga Javnog konkursa, Komisija zadržava pravo da službenim putem zatraži o tome odgovarajuće pojašnjenje ili mišljenje nadležnih organa, kao i dostavu odgovarajućih akata kao dokaz.

Objavljivanje zakonom propisanih lista i obavještenja o datumu, vremenu i mjestu testiranja kandidata vršit će se na oglasnoj ploči Uprave policije MUP USK i web stranici MUP USK „mupusk.gov.ba”.

Kandidati koji pristupe testiranju imaju neometan pristup rezultatima svojih testova.

Svaki kandidat može izjaviti žalbu Policijskom odboru u skladu sa članom 53. Zakona o policijskim službenicima USK.

Ispunjavanje uvjeta utvrđenih ovim konkursom računa se danom predaje prijave kandidata.

Prijave sa potrebnim dokumentima se predaju u roku od 30 dana od dana objavljivanja Javnog konkursa neposrednom predajom putem pisarnice MUP USK ili preporučenom poštom na adresu Ulica 502. viteške brigade broj 2, 77000 Bihać sa naznakom, a u zavisnosti od nivoa pristupanja:

“Komisija za izbor policijskih službenika u čin mlađi inspektor” - NE OTVARATI

ili

“Komisija za izbor policijskih službenika u čin policajac” - NE OTVARATI

Odabrani kandidati pohađaju osnovnu obuku kao kadeti. Međusobne obaveze kadeta i policijskog organa uređuju se posebnim ugovorom.

Trajanje osnovne obuke iznosi 9 mjeseci, a po zasnivanju radnog odnosa probni rad traje ukupno 12 mjeseci.

Kandidatima koji ne budu izabrani dokumentacija se neće vraćati.

Kandidati koji uspješno završe osnovnu obuku za kadete bit će raspoređeni u organizacionim jedinicama Uprave policije MUP-a USK-a prema stvarnim potrebama, a u cilju održavanja operativnosti organa.

Javni konkurs ostaje otvoren 30 (trideset) dana od dana objavljivanja Javnog konkursa u dnevnoj štampi.

Nepotpune i neblagovremene prijave neće se uzeti u razmatranje.

**PREDSJEDAVAJUĆI KOMISIJE ZA IZBOR:
Samostalni inspektor**


Mario Velić